



KREANDO PROSPERIDAT DOR DI KONEKTÁ OPORTUNIDATNAN DI INVERSHON KU INVERSHONISTANAN

SKINA DI INVERSHONISTA

Publikashon 16. 2017

Kiko presis ta un Depositary Receipt?

“Ta hopi mas mihó pa kumpra un kompania tremendo na un preis rasonabel ku un kompania rasonabel na un preis tremendo.”

Warren Buffett

Bo ke haña algun akshon di Google den bo man? Kiko tokante Facebook òf Apple? Coca Cola òf Amazon? Hmm..... Òf podisé Tesla òf Walt Disney òf bo ta preferá Netflix òf Walmart? E lista no tin nodi di kaba einan. Mi por sigui basta ratu Ke tal si bo por haña akses na e tipo di akshonnan aki i no dor di trata di habri un kuenta di broker internashonal ku ta puntrabo pa un montante ridíkulo komo depósito mínimo? Kiko, si bo por haña akses na e akshonnan aki, akinan mes, riba nos bolsa lokal? Kiko si esaki ta posibel? Wèl no ta un situashon di podisé, mas. Ta bèrdat i mi NO ta hasi wega! Lagami splika kon esei pronto ta bai funshoná.

Di kiko mi ta papia? Depositary Receipts; esaki ta balornan ku ta kotisá riba e bolsa lokal, i ku ta representá e akshonnan kotisá riba otro bolsanan den paisnan stranhero. Ta manera bo tin “akshonnan di Google lokal” pa e akshonnan berdadero di Google, ku ta kotisá riba NASDAQ. Si bo kumpra e Depositary Receipt aki, ta manera bo ta kumpra e akshon real

den eksterior. Esaki no ta un konsepto nobo, invershonistanan merikano ta hasiendo esaki añanan largu kaba! Tin un kantidat di Depositary Receipts kotisá riba e Bolsanan di Balor di Estádos Unidos, ku ta representá akshonnan original kotisá riba bolsanan di balor na Asia por ehemplo.

Komo doño di un Depositary Receipt, ta wòrdu sperá ku bo lo, pa mayoria parti, eksperenshá movementunan similar den e preis di e akshonnan manera e akshonistanan ei, basá den Estádos Unidos, ken ta invertí direktamente den e akshonnan kotisá riba un bolsa aya. Dependiendo di e sètùp di e Depositary Receipt, mayoria biaha, lo bo tin e derecho tambe di vota den a Reunionnan General di e kompanianan aki. Mihó ainda, bo tin mes derechi riba dividendo ku ta wòrdu pagá na tur e akshonistanan, i dikon no? Pasobra bo tambe ta un akshonista! Ta solamente ku abo ta tene bo akshonnan pa medio di un otro balor (e depositary receipt) kotisá aki na Kòrsou riba e Dutch Caribbean Securities Exchange (“DCSX”).

E kos tremendo tokante esaki, ta ku e DCSX ta a punto di trese e tipo di balornan aki na e kosta di Kòrsou, pa asina abo – e invershonistanan lokal – tambe por tin aksesu lokalmente aki na Kòrsou. Kiko bo ta warda? Ami lo bula riba e garoshi aki promé ku e pasami bai!

Un depositary receipt ta eksponé e doño na riesgonan similar ku akshonnan normal, pues e tepnan di akshon, ku nos a duna poko tempu pasá, lo keda aplikabel aki ainda! Mi lo solamente agregá ku Depositary Receipts ta bira un poko kompliká ora nos kuminsá papia tokante impuesto riba dividendo. Bo ta mas o ménos invertiendo den, por ehemplo, un kompania di Estádos Unidos, for di un otro pais (Kòrsou), pues ta importante pa bo komprondé e implikashonnan di impuestonan retené riba bo invershonnan, for di e perspektiva di e pais ei. Promé ku bo eksplorá e opshon di depositary receipts, lo mi rekomendá ku bo papia ku un consehero di impuesto tokante e mihó manera pa atendé ku esaki.

Sigui Skina di Invershonista pa tur loke bo mester sa tokante Kreashon di Rikesa!

E editorial aki ta wòrdu presentá na bo pa DCSX ku kolaborashon di Vertex Investments . Outor di e publikashon aki: Stephanie Shaw CFA, MBA.



dcsx.cw



vertexinv.com